

LISTA BRZE PROVJERE



KAKO POSTUPATI KOD POZIVANJA U SLUČAJU TRAŽENJA POMOĆI

- Stanite i razmislite gdje se nalazite.
- Za pomoć nazovite telefonski broj vatrogasaca 123 ili 121. Ne računajte da su već drugi dojavili događaj.
- Počnite razgovor odmah govoreći polako i razgovjetno, šta se dogodilo, gdje se dogodilo, kada se dogodilo i ima li ozlijeđenih.
- Navedite tačnu adresu mjesta nesreće i osobno dočekajte pomoć.
- Budite spremni dati daljnje informacije i osobne podatke (ime i prezime).
- Završite razgovor kada vam služba koju ste kontaktirali to dozvoli.
- Vaš razgovor neće odgoditi upućivanje pomoći, jer pomoć može biti upućena i dok je razgovor u toku. Recite sve što ste zapazili, vidjeli ili čuli.
- Ne telefonirajte na liniji dok ne dođe pomoć. Služba koju ste kontaktirali možda će trebati dodatne informacije.
- Dojava nepostojećeg događaja je zakonom kažnjiva.

KONTAKTI ZA POMOĆ

Operativni centar Civilne zaštite (hitni slučaj zbog poplave/oluje)	121 www.cz.zdk.ba
Opasnost po život policija	122
Hitna pomoć vatrogasci	123
Hitna medicinska pomoć	124
PTT - informacije	1182/1188
BIHAMK (stanje i pomoć na putevima)	033 1282 www.bihank.ba
Federalni hidrometeorološki zavod BiH (METEO ALARM by METEOBIH)	033 276 700 033 442 435 www.fhmzbih.gov.ba

UPIŠITE SLJEDEĆE BROJEVE:

- Vaša općina: ✍
- Vaša općinska služba CZ: ✍
- Vaš opskrbljivač struje: ✍
- Vaš opskrbljivač vode: ✍
- Vaš opskrbljivač plina: ✍
- Vaš upravitelj stambenog objekta: ✍
- Vaše osiguravajuće društvo: ✍
- Vaš porodični ljekar: ✍

Za više informacija slušajte lokalnu radio stanicu.
Frekvencija lokalne radio stanice: ✍

Program edukacije stanovništva za sprovođenje mjera lične i uzajamne zaštite građana



Bolje je osigurati se nego požaliti zbog toga

10

JESTE LI PRIPREMLJENI ZA SLUČAJ EVAKUACIJE I ZBRINJAVANJA UGROŽENIH I STRADALIH?

ŠTA UČINITI U SLUČAJU EVAKUACIJE I ZBRINJAVANJA?

Postovani sugrađani,
Mnogi su od nas doživjeli neki neugodan događaj pri kojem su trebali pomoć neke od specijalizovanih službi. Ponekad događaj toliko snažno psihološki djeluje da je potrebno vrijeme za snalaženje i pozivanje pomoći. Ovi savjeti će Vama pomoći u tome. Proučite ih i sa njima upoznajte članove Vaše porodice, kako biste znali šta činiti u datom slučaju. Posebno je važno poučiti djecu, kako se zaštititi u opasnim situacijama. Lični primjer odraslih prema ovoj problematici od ključnog je značaja za ovladavanje i prihvatanje sigurnosnih mjera lične i uzajamne zaštite građana, član 41. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br.39/03, 22/06 i 43/10).

JESTE LI PRIPREMLJENI ZA SLUČAJ EVAKUACIJE I ZBRINJAVANJA UGROŽENIH I STRADALIH ?

Planirajte slijedeće sa cijelom porodicom:

1. Napravite svoj Plan spašavanja i pripremite paket prve pomoći u hitnim slučajevima.
2. Osigurajte za sebe i članove vaše obitelji lična zaštitna sredstva za RHB zaštitu: zaštitnu masku, zaštitni ogrtač i prvi zavoj.
3. Planirajte rezerve hrane i vode za najmanje tri dana.
4. Obezbedite bateriju za svijetlo i tranzistor.
5. Napunite mobilni telefon i stavite važne dokumente u voodootporna posude.
6. Planirajte kako upozoriti i ostale stanare u zgradi na opasnosti i kako se mogu spasiti

Za više informacija i pomoć u izradi plana za slučaj evakuacije i zbrinjavanja ugroženog i stradalog stanovništva, posjetite općinsku službu Civilne zaštite i website Kantonalne uprave Civilne zaštite ZDK

www.cz.zdk.ba
direktor Sead Džanović, prof.odb. i sig.

NE DOZVOLITE DA SE NESREĆA DOGODI!

POMOZITE STARIJIM I INVALIDNIM OSOBAMA!

ZAŠTITITE SVOJU PORODICU,
ŽIVOTINJE I IMOVINU!

KOMŠIJA POMAŽE KOMŠIJI!

ŠTA ČINITI DA SE ZAŠTITIMO?

EVAKUACIJA, ZBRINJAVANJE UGROŽENIH I STRADALIH?

Ove dvije mjere zaštite i spašavanja sprovode se radi zaštite ljudi i materijalnih dobara koji budu ugroženi djelovanjem prirodne (požar otvorenog prostora, poplava, potresa) ili druge vrste nesreće na području općine i Kantona. U toj situaciji ponekad ih je potrebno, na dulje ili kraće vrijeme, premjestiti na neugrožena ili manje ugrožena područja i zbrinuti.

EVAKUACIJA

je postupak pri kojem štab civilne zaštite provodi plansko, organizirano i privremeno premještanje stanovništva i materijalnih dobara sa ugroženog na neugrožena ili manje ugrožena područja, na vrijeme duže od 48 sati, uz organizirano zbrinjavanje evakuiranog stanovništva. Ovisno od stepena ugroženosti određenog područja, evakuacija može biti po obimu potpuna ili djelomična, a po vremenu izvođenja pravovremena ili naknadna.

Evakuaciju stanovništva i materijalnih dobara naređuje:

- Općinski štab civilne zaštite – ako se radi o evakuaciji s jednog na drugo područje općine,
- Kantonalni štab civilne zaštite – ako se radi o evakuaciji s jedne ili više općina na drugu ili više općina na području Kantona.

Štab civilne zaštite rukovodi evakuacijom u cjelini, a svi drugi organi, posebno općinske službe za upravu:

- prostorno planiranje i urbanizam,
- stambeno - komunalne poslove,
- zdravstvo i socijalnu zaštitu,
- obrazovanje i druge službe

imaju obavezu da neposredno izvršavaju sve one zadatke kojima se doprinosi evakuaciji, kao i sve zadatke koje naredi štab civilne zaštite koji rukovodi evakuacijom.

Štab civilne zaštite odlučuje o upotrebi snaga i sredstava civilne zaštite koje koristi u provođenju evakuacije, a ostvaruje saradnju sa:

- Policijom,
- Crvenim križom/krstom,
- humanitarnim organizacijama i
- privrednim društvima

koji postoje na području općine i koja mogu pomoći u efikasnom izvršavanju evakuacije.

KAKO POSTUPATI U SLUČAJU EVAKUACIJE I ZBRINJAVANJA?

PRIJE POČETKA EVAKUACIJE

Sve se osobe koje se evakuiraju obavezno evidentiraju (ime i prezime, ime i prezime roditelja, datum rođenja, adresa stanovanja, broj članova obitelji koji se evakuiraju-srodstvo); uz osobne podatke u evidencijske liste upisuju se i vozilo kojim se osoba evakuira, te mjesto na koje se evakuira, s mjestom prihvata (tačna adresa smještaja i odgovorna osoba na mjestu prihvata).

VOZILO ZA EVAKUACIJU

Svaka osoba koja se evakuira slobodna je izabrati hoće li se evakuirati zajedničkim-organiziranim prijevozom (autobusom ili vozom) ili osobnim vozilom.

Evakuacija zajedničkim-organiziranim prijevozom

U slučaju da štab civilne zaštite u saradnji sa policijom, ocijeni da bi evakuacija osobnim vozilima stanovnika izazvala prometnu gužvu koja bi ometala provedbu evakuacije, može proglasiti evakuaciju zajedničkim-organiziranim prijevozom, odnosno zabraniti upotrebu osobnih vozila.



Evakuacija osobnim vozilima

Osobe koje se evakuiraju dužne su se pridržavati uputa o pravcima - putevima evakuacije u organiziranim konvojima, uputama koje daju izravno koordinatori evakuacije - civilne zaštite, pripadnici policije i druge službene osobe.

ŠTA PODUZETI?

Prvenstveno ovisi od osposobljenosti svih nas.

- Ponijeti osobne dokumente za sebe i članove obitelji,
- Isključiti struju, plin i vodu u objektu/stanu kojeg napuštate,
- Zaključat objekat/stan kojeg napuštate,

- Uzeti obavezne lijekove za sebe i članove obitelji,
- Ponijeti hranu i vodu za piće za puta, za sebe i svoju obitelj,
- Obavijestiti osobne odgovorne za provedbu evakuacije o svojim kroničnim i drugim bolestima članova vaše obitelji ili stanjima koja zahtijevaju poseban tretman i zdravstvenu skrb,
- Ponijeti najdražu igračku ili slikovnicu svoga djeteta i
- Ne zaboravite na životinje vaše kućne ljubimce.



ZBRINJAVANJE UGROŽENIH I STRADALIH

Mjera zbrinjavanje ostvaruje se tako što se po hitnom postupku za ugroženo i stradalo stanovništvo koje je evakuirano mora osigurati smještaj, ishrana, zdravstvene i ostale potrebe koje se smatraju prijeko potrebnim za život, na neugroženom ili manje ugroženom području. Sve se to treba obezbjeđiti u granicama datih uslova i mogućnosti, do prestanka okolnosti evakuacije, kada se evakuirano stanovništvo može vratiti u svoje domove.

Štabovi i povjerenici civilne zaštite neposredno rukovode postupcima zbrinjavanja, privremeno, dok se ne stvore uvjeti u kojima će daljnju brigu o zbrinjavanju moći preuzeti nadležne službe za upravu općine ili dok se odlukom Vlade Kantona za to ne formiraju posebne službe.

U ostvarivanju zadataka zbrinjavanja ugroženih i stradalih građana, pomoć i saradnju pružaju humanitarne organizacije i građani.

Troškovi zbrinjavanja evakuiranih ugroženih i stradalih lica podmiruju se iz budžeta općina i Kantona na čijem području je organizirano zbrinjavanje, o obuhvata u pravilu: osiguranje stambenog prostora za smještaj, odjeću, obuću, posteljину, ishranu, zdravstveno zbrinjavanje i druge potrebe stanovništva.

Vlasnici i korisnici objekata i prostorija u javnoj upotrebi (domovi, škole, hoteli i dr.), koji su pogodni za smještaj, dužni su primiti na privremeni smještaj građane i materijalna dobra sa ugroženog područja, ako to naredi nadležni štab civilne zaštite koji rukovodi provođenja mjere zbrinjavanja evakuiranog stanovništva.

- Boravak evakuiranih lica može se organizovati u:
 - Zidanim građevinama (domovi, škole, hoteli i dr.),
 - Šatorima,
 - Kontejnerima za stanovanje i kamp kućicama,
 - Kombiniranom smještaju.

Oblik smještaja ovisi od nekoliko faktora, a najčešće o:

- Hitnosti,
- Mogućnostima zajednice i raspoloživim resursima za zbrinjavanje,
- Procjeni potreba i trajanja zbrinjavanja,
- Godišnjem dobu i vremenskim uslovima.

Ukoliko je boravak organiziran u kombiniranom smještaju, raspored osoba provodi se, prije svega temeljem životne dobi i zdravstvenog stanja lica. Tako prioritet za raspored u zidane građevine, odnosno kontejnere za stanovanje i kam kućice imaju starije osobe, nepokretni i teško pokretni, osobe s teškim hroničnim bolestima, osobe sa posebnim potrebama kojima je potrebna tuđa njega i pomoć, jedan roditelj s djetetom do 3. god. (zidana građevina), odnosno 7. god. (kamp kućica ili kontejner za stanovanje).

Bez obzira na vrstu/oblik, u svakom se prihvatnom centru organizira ishrana, sanitarne prostorije, ambulanta za zdravstvene potrebe, administracijski i info pult, psihološka pomoć i podrška, sigurnost i javni red, kao i prostor za religijske potrebe.

Ukoliko evakuirana osoba želi i ima mogućnosti te odluči da boravi kod rodbine i prijatelja, dužna je o tome izvjestiti odgovornu službenu osobu u prihvatnom centru.

OPORAVAK OD NESREĆE

Ako je pomoć dostupna, a znajući kako može biti pružena, čini sam proces više ili manje stresnim, zato, Vaša prva briga je:

- Da zaštitite i osigurajte sebi i članovima svoje obitelji zdravlje.
 - Postavite prioritete i rješavajte ih jedan po jedan.
 - Vodite računa o urednoj ishrani i higijeni.
 - Budite svjesni novih sigurnosnih problema i poteškoća u njihovom otklanjanju.
- Kontaktirajte lokalne dužnosnike, da biste saznali šta su oni planirali činit, da se i Vi uključite, kako bi se spriječile veće posljedice i pristupilo oporavku od nesreće u Vašem području.

DA LI STE VI SPREMNI ZA SLUČAJ PRIRODNIH NEPOGODA?
UKOLIKO NISTE, ČEKA VAS...